



REGIONE AUTÒNOMA DE SARDIGNA
REGIONE AUTONOMA DELLA SARDEGNA



COMUNU DE SESTU
TZITADI METROPOLITANA DE CASTEDDU



Ddu sciiast?



Su 7 de Donniasantu de su 1944 est nàsciu in Leggiuno su prus mannu giogadori de bòcia chi cun sa màllia nùmeru 11 at fatu gosai sardus meda: Luigi Riva, o mellus Gigi Riva!

Iat tragau su Casteddu a intru de sa ligenda, faendi prus de duxentu gol cun sa màllia arrùbia e bleu (oindii est ancora su giogadori chi nd'at fatu de prus) e bincendi su "scudetto" in su 1970.

Candu giogàt faiat timi is aciapabòcias aversantis ca teniat unu mancosu aici forti chi Gianni Brera dd'iat nomenau "Rombo di Tuono".

Oindì Gigi Riva est considerau ancora unu eroi e unu sìmbulu chi at fatu acostai a sa squadra de sa capitali sarda medas sardus. Unu òmini àbili a tragai, impari cun is cumpàngius suos, una citadi e un'ìsula intrea a binci cuntra de is scuadras arricas de su nord de s'Itàlia, unu Davide cuntra a Golia chi iat arrefudau de lassai Casteddu po lompi in sa Juventus, stimau de unu pòpulu intreu e biu cumentu sa faci de s'arrevesa cuntra a chini biiat sa Sardìnnia cumentu a una terra de disterru sceti.

